



REPUBLIKA E SHQIPËRISË
KOMISIONERI PËR MBROJTJEN NGA DISKRIMINIMI
DREJTORIA E ÇËSHTJEVE PROCEDURALE LIGJORE DHE MARRËDHËNIEVE ME JASHTË

Nr. 768 Prot Tiranë, me 19.12.2013

Lënda: Dërgohet rekomandim për ndërtimin e një mbikalimi poshtë kalasë së qytetit, për banorët e komunitetit egjiptian të lagjes “Iliria”

Drejtuar: **Z. Lorenc LUKA**
Kryetar
BASHKIA SHKODËR

SHKODËR

I Nderuar Zoti Kryetar!

Komisioneri për Mbrojtjen nga Diskriminimi në përmbushje të qëllimit të ligjit nr. 10 221 datë 04.02.2010 “Për Mbrojtjen nga Diskriminimi” për të garantuar të drejtën e çdo personi për barazi përpara ligjit, mbrojtje të barabartë nga ligji dhe mbrojtje efektive nga diskriminimi dhe çdo formë sjellje që nxit diskriminimin si dhe bazuar në kompetencën që i jepet në bazë të nenit 32, pika 1, shkronja “f”, të këtij ligji, për të bërë rekomandime për çfarëdo lloj çështje që lidhet me diskriminimin, parashtrohet sa më poshtë vijon:

Në kuadër të projektit me titull “Për mbrojtjen dhe promovimin e të drejtave të personave të diskriminuar”, të Komitetit Shqiptar të Helsinkit (KShH) në partneritet me Komisionerin për Mbrojtjen nga Diskriminimi, mbështetur financiarisht nga Zyra e Kooperacionit Zvicëran në Tiranë, po zhvillohen Ditë të Hapura dhe takime me OJF-të në qytete të ndryshme të Shqipërisë, me qëllim rritjen e ndërgjegjësimit për Ligjin nr. 10 221, datë 04.02.2010 “Për Mbrojtjen nga Diskriminimi” dhe zbatimin e tij të plotë nga gjithë aktorët e përcaktuar në ligj.

Në kuadër të këtij projekti, u zhvillua edhe një Ditë e Hapur në qytetin e Shkodrës, nga ku u raportuan problematika të shumta të qytetarëve lidhur me trajtimin e pabarabartë.

Komisioneri për Mbrojtjen nga Diskriminimi dhe KShH kanë konstatuar, nëpërmjet një numri të lartë ankesash të komunitetit egjiptian, banues në lagjen “Iliria”, si një ndër problematikat më të rëndësishme, sigurinë e jetës së tyre në lagjen ku banojnë. Duke qenë se kjo zonë është hyrja kryesore e qytetit të Shkodrës, pasi lagja ndodhet poshtë Kalasë së



Adresa: Rruga Sami Frashri, Nr. 10, Kati II, Tiranë
(Tek godina e Fondit Shqiptar të Zhvillimit)
Tel: +355 4 2431078
Fax: +355 4 2431077
e-mail: info@kmd.al
web: www.kmd.al

Shkodrës dhe përbri rrugës nacionale, jeta e këtyre banorëve cenohet çdo ditë dhe kalimi i rrugës është një shqetësim i përditshëm i këtij komuniteti pasi.

Për këtë arsye, banorët e komunitetit egjiptian të lagjes “Iliria” parashtruan si zgjidhje ndërtimin e një mbikalimi, i cili do të bënte të mundur lehtësimin e kalimit të tyre në anën tjetër të rrugës. Ndërtimi i këtij mbikalimi do të minimizonte rrezikun e jetës së tyre dhe do të bënte të mundur që ky komunitet të mos veçohet nga lagjet të tjera të qytetit të Shkodrës.

Dëshirojmë të sjellim në vëmendjen Tuaj se komuniteti rom/egjiptian është një komunitet vulnerabël në shoqërinë tonë, i cili duhet të gëzojë në mënyrë të barabartë me të tjerët mundësinë për të marrë ose për të përfituar nga të mirat apo shërbimet.

Sa më lart, në mbështetje të nenit 1 të Ligjit Nr. 10 221 datë 04.02.2010 “Për Mbrojtjen nga Diskriminimi” ku parashikohen shkaqet e diskriminimit dhe nga ku komuniteti rom, si një nga grupet vulnerabël, hyn në objektin e këtij ligji, nenit 20 që *ndalon diskriminimin në fushën e të mirave dhe shërbimeve* dhe nenit 11 të këtij ligji, që parashikon *marrjen e masave të përkohshme dhe të veçantë që synojnë përshtetjen e vendosjes reale të barazisë, kur mungesa e barazisë është shkaktuar nga diskriminimi, konsiderohet veprim pozitiv dhe nuk përbën diskriminim*, si dhe me qëllim garantimin e barazisë dhe mosdiskriminimit:

REKOMANDOJME:

1. Bashkia Shkodër të ketë përparësi ndërtimin e një mbikalimi poshtë kalasë së qytetit, për banorët e lagjes “Iliria”, me qëllim minimizimin e rrezikut të jetës së komunitetit egjiptian dhe përmirësimin e situatës në të ardhmen.
2. Marrjen e veprimeve pozitive të cilat synojnë ushtrimin në mënyrë të barabartë me të tjerët të të drejtave dhe lirive themelore, në fushën e ofrimit të të mirave dhe shërbimeve.

Lidhur me masat që do të ndërmarrë organi administrativ për zbatimin e këtij rekomandimi, lutemi të na vini në dijeni brenda një afati të arsyeshëm.

Duke besuar në mirëkuptimin dhe bashkëpunimin Tuaj,



Adresa: Rruga Sami Frashri, Nr. 10, Kati II, Tiranë
(Tek godina e Fondit Shqiptar të Zhvillimit)
Tel: +355 4 2431078
Fax: +355 4 2431077
e-mail: info@kmd.al
web: www.kmd.al